

OPĆINA CENTAR SARAJEVO

Općinski načelnik

Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH", br. 49/06 i 51/09) i čl. 25. i 69. Statuta Općine Centar Sarajevo - Prečišćen tekst ("Službene novine Kantona Sarajevo", broj 23/04), Općinski načelnik donosi

ODLUKU

O DODJELI SREDSTAVA IZ GRANTA ZA MOBILNOST
MLADIH OPĆINE CENTAR SARAJEVO

I - OPĆE ODREDBE

Član 1.

Ovom Odlukom utvrđuju se kriteriji, način i postupak raspodjele budžetskih sredstava Općine Centar (u daljem tekstu: Općine) iz granta za mobilnost mladih.

Član 2.

Mobilnost u svrhu učenja može se definirati kao transnacionalna mobilnost u svrhu stjecanja novih znanja, vještina i kompetencija, kao što su obrazovne razmjene, projekti volontiranja, međunarodni tečajevi stranih jezika i projekti neformalnog učenja.

II - PRAVA I OBAVEZE

Član 3.

Pravo na dodjelu sredstava mogu ostvariti pojedinci, učenici i studenti, aktivisti, volonteri nevladinih i humanitarnih organizacija uz ispunjavanje sljedećih uslova:

- a) da imaju prebivalište na području Općine Centar;
- b) da su starosne dobi između 15 i 30 godina.

Član 4.

- (1) Sredstva iz granta za mobilnost dodjeljivat će se za finansiranje aktivnosti kao što su putni troškovi, troškovi kotizacije, troškovi vize za odlazak pojedinaca na razne edukacije, seminare i treninge, konferencije, konvencije, takmičenja, na stručna usavršavanja u inostranstvu i slične skupove.

Član 5.

- (1) Sredstva iz člana 1. ove Odluke dodjeljivat će se na osnovu podnesenih zahtjeva, a u skladu sa objavljenim javnim pozivom.
- (2) Javni poziv se objavljuje na web stranici Općine Centar i ostaje otvoren do kraja tekuće godine odnosno do utroška sredstava planiranih za ovu namjenu.
- (3) Zahtjevi za finansiranje se dostavljaju Službi za boračko-invalidsku, socijalnu zaštitu i društvene djelatnosti - Odsjek za društvene djelatnosti (u daljem tekstu: Službi) putem protokola Općine.
- (4) Zahtjev se podnosi najmanje petnaest dana prije odlaska na aktivnost koja se finansira.

Član 6.

- (1) Dostavljeni zahtjevi će se rješavati po vremenu prispjeća.
- (2) Služba je dužna u roku od dvadeset dana obavijestiti podnosioca zahtjeva o odluci i istu je dužna obrazložiti.

Član 7.

Uz zahtjev potrebno je priložiti sljedeće dokumente (original ili ovjerene kopije):

- a) CIPS prijava o mjestu prebivališta za osobe koje će učestvovati u određenoj aktivnosti (ne starija od 6 mjeseci);
- b) Dokaz ili potvrdu u učešću na edukaciji, seminaru, treningu, konferenciji, takmičenju i sl.;
- c) Motivaciono pismo za učešće u aktivnosti;

- d) Dokaz o ostvarenim rezultatima na kantonalnom, federalnom, državnom i međunarodnom takmičenju (ako se sredstva dodjeljuju za odlazak na takmičenja).
- e) Dokaz da organizator aktivnosti iz stava (1) ovog člana ne pokriva putne troškove, troškove kotizacije, troškove vize i druge troškove.

Član 8.

- (1) Iznos nepovratnih sredstava u jednoj godini za jednu osobu iznosi:
 - a) do 300,00 KM za putne troškove, troškove kotizacije unutar Bosne i Hercegovine;
 - b) do 500,00 KM za putne troškove, troškove kotizacije, troškove vize u zemlje regiona (Hrvatska, Srbija, Slovenija, Makedonija, Albanija, Crna Gora);
 - c) do 700,00 KM za putne troškove, troškove kotizacije, troškove vize u inostranstvo.
- (2) Za jedan događaj se može odobriti do 1000,00 KM, bez obzira na broj prijavljenih osoba za pokrivanje troškova puta, troškova kotizacije, troškova vize za navedenu aktivnost.
- (3) Neiskorištena sredstva iz granta za mobilnost u jednoj godini se prenose u narednu godinu.

Član 9.

- (1) Sredstva iz granta za mobilnost mladih neće se izdvajati za troškove učešća i putovanja na stranačke treninge, konferencije i kampanje, niti bilo koje aktivnosti u i van Bosne i Hercegovine, a koje organizuju domaće i inostrane političke stranke.
- (2) Podnosilac zahtjeva može aplicirati samo jednom u toku kalendarske godine, osim u izuzetnim slučajevima kada je drugi zahtjev opravdan, a sredstva nisu utrošena.

Član 10.

- (1) Korisnici Budžeta obavezni su dostaviti Službi finansijski i narativni izvještaj sa dokumentacijom o namjenskom utrošku sredstava u roku od mjesec dana nakon realizovane aktivnosti, a najkasnije do kraja tekuće godine.
- (2) Korisnici sredstava koji ne opravdaju dodijeljena sredstva više ne mogu koristiti sredstva za mobilnost mladih, kao ni druga sredstva predviđena grantom za mlade.

III - PRELAZNE I ZAVRŠNE ODREDBE

Član 11.

Ova Odluka stupa na snagu narednog dana od dana objavljivanja na Oglasnoj ploči Općine, s tim da će se naknadno objaviti u "Službenim novinama Kantona Sarajevo".

Broj 09/C-14-2865/18
27. juna 2018. godine
Sarajevo

Općinski načelnik
Prof. dr. **Nedžad Ajnadžić**, s. r.